

摘藻堂四庫全書薈要

集部

欽定四庫全書薈要卷一萬六千八百二十集部

震澤集卷四

明 王鏊 撰

詩

內閣賞芍藥二首

藥闌正對禁城幽
詔使先春特地修
便覺恩光生葉底
旋添顏色上枝頭
僂姿不負持杯賞
勝景還須著句搜
花下幾人今日醉
日斜欲去更遲留

張席堦前對鳳池
天香還發去年枝
春歸禁地偏應早
花到今年分外奇
錦幔不收風力軟
玉盤頻見露華滋
揚州勝事何須說
黃閣今成幾卷詩

贈曹銘

銘吳人其父尚襄陵郡主因家山西

冰崖雪壑想峯寄
別後時從夢見之
鄴郡清門今尚在
襄陵遺澤亦堪思
主家留客琅玕舊
震器驚人鸞鷲奇
八景分明似吳下
家有八景
南音何必效鍾儀

送王叅政還河南

叅政有八子其二為翰林庶吉士故家宰李公甥也

山東富才賢諸王名久擅詩禮相君家冰玉天官倩宅
相今有徵珮刀誰所薦八鳳羽毛奇雙珠光彩眩美濟
虞廷元數比周家鸞聯中甲科名兩入詞垣選秘學付
青箱習書空白練陰功積已多遠近稱殆徧剛明用柔
克吏事以文緣花縣春陽仁白簡風霜面治禁力有餘
催科政甘殿至今吳興郡茗雪為君變轉漕再臨燕分
省南還汴依依北扉語草草東城餞去矣那能忘斯文
有深眷

送同年何汝玉知贛州府

瓊林宴罷歲頻更，世事悠悠亦可驚。
黃草峽西哦月上，白蘋洲畔看潮生。
直言自許能扶國，循吏仍知不近名。
章貢今朝人盡喜，廉泉先已為君清。

贈陳御醫公尚

陳之術傳自孟氏

暑雨初寒過我頻，感君父子有深仁。
外家秘訣多傳孟，今日盧醫不在秦。
樹近廬山唯種德，人來燕谷亦生春。
吳人自昔誇錢乙，豈謂文中本姓陳。

送蘇伯誠編修僉江西憲司提學

嚴生久厭承明直楊億俄成乞外書庭內九卑傷局趣
駕前千里範馳驅潤身豈必文章事妙悟多從點化初
棖桷棟梁他日事長安索米却慙予

贈少傅徐公挽詞

文靖父

德公住襄陽梅福逃吳市往跡久復湮高風在天地徐
公本南州閱閱自前世黃琬器夙成黔婁孝天至三年
詔獄寬萬里儋州淚破浪鯨不犇開山虎旋逝由也能

盡思參乎真養志孝哉閭里稱遠近辭不二推財見薛
包起廢慙鄭吏却曲變周行淹淪免深濟荆溪隱在漁
把釣本無意山風與海月灑落見胃次連城蒙在璞廊
廟登主器台斗司具瞻霖雨望皆慰郊原沐渙汗石獸
瞻顛顛我生苦太晚不及仰光霽宰樹封已勤生芻糞
靡致東望瑞雲山懷人涕空洒

徐太夫人挽詞

文靖母

自昔勲名地其來豈偶然天將開爾後地必賴予前變

理歸元宰丹青憶象賢封君今不作內則古誰肩玉潤
光韜璞珠輝朗在淵梅僊隱當市冀缺饁歸田桃李陰
方茂蘋蘩薦孔虔業貧春務早勸讀夜鐙懸豹隱文常
炳鷄鳴戒獨先壁經曾口授奧義有心傳方績朝文伯
遺文泣馬遷國風詩第一曲禮目三千振迅當雲路胚
胎自木天兩朝資亮弼四海入陶甄籛豈須金胎廳惟
可馬旋義田文正在學舍孟家聯內閣流新寵南陽表
舊阡構材存樸斲口澤在杯棬圖像青冥裏佳城罨畫

邊獨山愁寂寂百瀆恨濺濺已覩封如斧誰當筆似椽
他年青史上康子合同編

招姚存道

子閒終不來我病能數往儵然共月菴清約坐成爽一
雨終夜鳴殘暑歸洗盪孤懷苦鬱陶世事多鹵莽當時
隔燕吳晤語成坐想如何咫尺間還復勞企仰小園亦
何有一味涼可賞閒庭風葉鳴虛室雲月朗觴豆非苟
然形聲要重講

送存道

平生鮑叔更何人才喜相逢袂又分詩眼年來常起我
交情歲晚獨懷君禁中伴直難呼孟牘上題名久愧蕢
落木蕭蕭秋萬里江東回首見停雲

送楊應寧副使還秦中

關西夫子今誰是楊億才華少小多欲試盤根聊爾耳
未收梁棟欲如何金鑿殿畔頻年別鐵甕城邊幾日過
已向鄰封期晚歲不須重唱渭城歌

送同年袁德宏還任漢中

使君五馬西南去
棧道縈紆過劔門
雲起襄斜當露冕
鳥啼子午識文軒
政成六載書仍最
節制三秦勢孔尊
多少同年霄漢上
臨邛父老莫攀轅

送倪尚書之南京

暫攜堂印過江東
冢宰權分位望同
留守地當分陝重
為官誰在故鄉中
家傳舊有尚書履
保副新加太子宫
半世趨朝今少憩
鍾山間對黑頭公

送玉汝使長沙

李官新許著緋袍，仗節東行命豈叨。
共月吟盟頻歲冷，長沙歸軸幾時膏。
萬言書在還思賈，五字詩成好和陶。
南北江山歸眺覽，周南太史愧如匏。

種竹

小軒側畔無多地，手種琅玕一兩枝。
相對翛然心自足，渭川千頃復何為。

和馬少卿見慰獨居之韻

空齋脉脉坐黃昏
讀罷韋編自掩門
小憩花陰成獨步
滿庭月色共誰論
老來轉覺塵心遠
夢覺惟知夜氣存
騎馬故人如見過
小溪呼酒尚能溫

偶成二首

獨步園林日幾周
閒花脉脉對人愁
翠禽並立鳴深樹
粉蝶相隨過小樓

掃地園心坐月明
粉牆疎影幾枝橫
何當攜却兒和女
還向桃花樹底行

聞蛩

一聲促織破秋鳴
遠客無端意自驚
憶著年年兒女戲
彫盆相對鬪輸贏

己未歲南歸至德州口占

舟發河西冰塞川
敗林枯葉總蕭然
德州楊柳青青在
南北端疑有二天

過西洞庭徐氏

早從胥口望龍窠
舟入青溪曲曲通
一片湖山歸手內

萬家煙火隔雲中
范公憂莫關廊廟
楚客音還愛土風
林屋有田吾欲老
豈因一水限西東

飲徐氏新樓

家住西峯第幾均
青山重疊水周遭
朝來爽氣歸吟筆
歲暮輕寒著緼袍
地勢欲憑湖面闊
天闕空訝月輪高
十年塵土京華夢
爛醉君家玉色醪

登縹緲峯

仄徑槃空艱復艱
快哉七十二孱顏
星辰可摘九天上

吳粵平分一水間，日轉林梢看鳥背。
煙橫谷口辨人寰，居然自可小天下。
誰道吳中無泰山。

林屋洞次傅水部韻

隔凡深處禹書存，尚有神靈為守門。
穴底玉泉流作汞，巖前璧月過留痕。
燕飛尚驗晴為雨，龍戰猶疑數在坤。
聞說遙遙天漢接，胷中雲夢幾須吞。

自西山歸東洞庭

西來暝色一帆孤，纔見青山忽又無。
白借天光猶瀕洞。

黑添雲氣轉模糊人家遙指語來舊塵眼頻揩見却初
述作惜無摩詰句五湖煙景若為圖

遊吳城西諸山

天平

春風撩我作山行畫舫西來半日程怪石插天欹欲墮
冷泉和月滴無聲登臨不盡吳中勝憂樂誰關范老情
晚立龍門最高處始知身世與天平

南峯

石罅中間度板輿南峯來叩故人居
君謙嘗居此高齋闕閉
松雲外絕棧危分鳥道餘豈謂山僧成泄柳却疑野老
是長沮明朝地主如相問但看芭蕉葉上書

一雲

亂石槎枒幾折旋畏途歷盡是平川高林細點催詩雨
深屋方塘悟道泉僧為知名如舊識地疑曾到豈前緣
萬竿脩竹蒼煙外欲借琅玕紀歲年

金山

石徑纔窮忽又通
重重臺閣半浮空
一林蒼翠瀟湘雨
萬頃青黃秬稷風
鈴語上方雲氣白
詩題壞壁蘚痕紅
未留玉帶空歸去
慙愧山僧問長公

登萬壽寺佛閣

吳城第一好山川
半醉來登意豁然
天際雲開雙塔影
城頭日出萬家煙
宋朝故老空遺宅
吳下叢林不記年
今日雙鳧同眺望
分明身現宰官前

望陽山

青谿欲盡轉逶迤卧對陽山舟自移聞有高人何處在
白雲紅葉影離離

焦山

昔年覽勝金山頂今日焦山試一躋四望雲峰如此好
平生詩句若為題煙中遠樹長江北天際孤帆落日西
聞道魚龍多窟宅夜船歸去莫燃犀

甘露寺

曾聞甘露前朝寺北固西來體勢成山湧金銀孤嶼出

地蟠吳楚大江橫
帆檣兩岼瓜州渡
煙火千家鐵甕城
安得更憑高處望
無邊詩思一時生

舊有多景樓今亡

金山

借得仙人九節藤
半酣飛上最高層
乾坤納納容人看
歲月悠悠憶我曾
潮送夜聲來鐵甕
山浮王氣入金陵
凭闌欲待中天月
足踏神鰲恐不勝

飲雲龍山放鶴亭

把酒高亭遲日晴
青山無限赴彭城
地橫西楚英雄氣

水瀉南徐感慨聲
燕子樓前春草合
虎牢關外暮雲生
不知放鶴人何在
遼海茫茫萬里情

飲德州鄭主事分司園亭

綠陰深處著幽亭
檐下流泉詰屈經
暑雨炎風空作勢
倦途塵思豁然醒
蜀中妖鳥何年至

是日始聞杜鵑

吳下征帆

半日停見說雲州
烽未熄誰能舉矢射狼星

送徐司空致仕

貫

病來宦海早抽身
七里灘頭理釣綸
疏鑿蘇湖功獨偉

旬宣齊魯政猶新
懸車光已生
東粵曳履聲猶繞
北辰
贈別都門多感慨
廟堂漸減老成人

送王尚書之南京戶部

重瞳回處識
顏卿計相元知屬
老成執法久推于
定國
工詩還許謝宣城
掖門曉色常參語
祖道秋風忽餞行
財賦東南今竭矣
送君回首不勝情

韓亞卿貫道見示屠冢宰諸公唱和之作

零落諸公幾束金
紛然抱示愜初心
風流自可懷前輩

徑惚何曾得寸陰餘韻已高那可跂舊盟雖冷尚堪尋
蕭蕭風葉廂房晚索莫空為擁鼻吟

寄蕭給事文明

高榆葉落漢關秋獨抱經綸老一丘海內至今誇草聖
燕南從此減詩郵瑣闥多疏懷遺直扁阜扁舟憶舊游
七十古稀今正健黃花應復插盈頭

庚申長至有事於東陵倪冢宰吳韓兩少宰俱有
詩贈行和之

古木荒城諫議祠舊游猶認壁間詩河山氣槩宸游後
星月光芒裸獻時鐙火穿林人散亂冰霜橫道馬差池
寒郊風物那須問夜下檐帷信所之

調韓侍郎

韓時鰥居
十年餘矣

空齋不用辟寒金一任浮雲結暝陰楊秉一生三不惑
魯山千古兩同心風搖徑竹鴻孤夢雪凍江梅蝶敢尋
海上歸來持節使黎渦何事動微吟

次韻鮑菴謝橘

高林霜落萬星攢論品先應薦太官不是詩家評素定
閩南合讓荔枝丹

筠籠輸寫入金槃錯落珊瑚間木難本色未除君莫笑
調羹滋味也須酸

匏謂木奴與鴨脚子同至不宜見遺仍次前韻

霜林結子碧攢攢苞貢何勞也入官隻眼向人休作白
寸心為主亦應丹

江南鴨脚少登槃價賚殊方為到難終與木奴風味別

點茶聊稱腐儒酸

次韻玉汝謝橘

洞庭自是吾家果
霜落晴洲色漸深
收子未儲千顆玉
封侯寧抵萬株金
不移淮北生生意
相餽燕南歲歲心
莫怪野人芹自美
江陵千樹不同林

雪後有懷小適園三首

小圃今何在
鍋腔路已苔
竹摧攬柳徑
石重壓花臺
不見羊羔飲
聊將楫杓煨
擁門三尺雪
乘興有誰來

小圃今何似還成步步瑤興如行灞岬愁似泊楓橋饑
啁烏啼柳迷尋鹿覆蕉懸知連日雪小徑没人腰
小圃今何有猶聞白雪歌未論金作谷聊詫玉為柯問
字人來少窺檐鳥下多雪中吾欲去興盡奈渠何

銅鑪

陶鼎輕明怯遠行竹鑪體製尚彭觥江南新樣今如此
廚下饒童作麼生鼎湧翠濤知火候几消紅雪沸湯鯖
彌明正自多言語好在劉侯莫浪爭

郊祀齋居次韻倪冢宰

幸接天曹玉筍班
南郊祿獻復追攀
清談得奉齋三日
道院平分屋半間
殘雪土膏春意透
夕陽庭樹鳥飛還
玉盤試手青絲菜
又為東風一破顏

慶成宴二首

萬舞歲蕤遠綴班
天魔十八杳難攀
聲騰夷夏驩呼裏
氣合君臣際會間
袍染鑪烟當展拜
帽敬墀日戴花還
年來自愧階頻進
坐捧瑤觴却厚顏

瞳矐曙色自東方玉殿分行坐兩旁百辟趨蹌同虎拜
九重肅穆儼龍光卿雲近日偏流彩積雪先春早應祥
大祀禮成歌既醉年年正月紀春王

賀李諭德子陽五十得子

一顆名珠入掌中世間萬事總堪空啼聲慣試非凡種
瑞氣先占隱若虹梁顥科名猶可紹竇家世澤未應窮
莫嫌五十為人父比似堯夫尚可同

次韻玉汝春寒有感

世事惟將冷眼看，病身藥物不離丸。
七年尚及三年艾，一日其如十日寒。
却老有方須指授，覓心無處倩誰安。
春來是物爭新巧，古井依然不作瀾。

海月菴觀鐙

鐙，滇南新製也。

新樣驚看出洱河，九華光彩未云多。
時開玉月春猶淺，會在公家歲獨過。
雲母障開星亂點，天機文斷水微波。
九衢車馬人人樂，不飲其如此夜何。

韓侍郎庭中芍藥盛開

露浥紅香濕未乾
綠陰深靜護彫闌
來頻未許重門掩
色重誰將碎錦攢
翦伐無心還比召

花本周司徒手種

帶圍有

兆亦同韓道人自是忘情者
莫作當年侍史看

送馬良佐學士還南京

馬有二子一為驗封主事一為廬江太守

白門柳色罷啼鶯
歸擁金蓮院吏驚
北地主人供案立
廬江太守傍車行
家傳易學無箋註
驛遞詩筒有課程
瀟灑玉亭誰復到
竹間為認舊題名

孟秋夜陪饗太廟
值雨禮成趨出門
且閉歸途水

幾沒膝是夜惟予與謝亞卿同之

金門放鑰夜腫隴虎旅當關路僅通
雨脚森森祇對越
鐙光閃閃儼歌雍立殊陞楯人誰代出後函關客正窮
他日廟廊端委立泥塗莫忘兩人同

送全卿赴淞江憲副

春城折柳贈南還兩淞由來一水間
將母得歸君自喜
見賢不舉我何顏道傍明月投誰顧
江上清風去莫扳
此去功名初發軔未須拄笏望西山

中元朝陵值雨已而開霽次倪韓二長官韻

世途難料是陰晴自昔朝陵怯此行

中元日多雨也

山指白浮

惟鳥去寺逢黃土有僧迎豈知平陸江湖在借問輿梁

歲月成

昌平有橋久圯

北望昌平無十里看山猶自未分明

木魚聲裏報新晴睡穩僧房未辦行
鐙底夜深愁欲滴
馬頭山色喜先迎
三千世界陰霾淨
百二神京體勢成
涼月紛紛如白日
歸途鐙火若為明

追次三原王公謁陵之韻

居庸百二真形勝只為看山也合來牧地車行平似毯
渡河船動小於杯斷碑卧雨無人打小店侵星為客開
涼月昏昏還有意照人西去照人回

贈郭揮使宏守備永平

北來誰復是長城作鎮煩君向永平寄重將門元有種
令嚴刁斗寂無聲高榆霜落秋臨塞細柳風微月滿營
莫道汾陽封未復燕然有石待君銘

匏菴作板屋詩以落之

竹樓頗高寒節亭復卑下卑高兩適宜無如板屋者制
樸體勢牢費省工力寡雖然立四柱乃不施片瓦無堦
安礪碱有壁謝聖楮方可橫二弓低莫旋足馬石几淺
作臺蒲團小為坐有如卧車廂又似泛船舸深温最宜
冬爽塏仍便夏可以舒簡編可以陳盞竿誰能善丹青
為予備模寫寫示五侯家相校何如也

再次

世從有巢來其變日以下高棟夸連雲瑣瑣何為者西

戎聞有之中古已甚寡既橫木為門復以板代瓦還愁
雨如麻最喜日色赭主人久登瀛門外施行馬不煩十
家產恰受兩人坐制豈傲僧寮材乃取市舸椎結礙彌
明小冠宜子夏名豈虛鍊壚價已踰玉笋每於公暇來
便覺素心寫問誰來最多恐莫如予也

三次

陶潛傲羲皇一卧北牕下豈知負朝暄又若差勝者月
菴豈不佳得日乃較寡南牆有隙地顧安所得瓦客來

傳新樣草木頗遭赭何云不日成其待可倚馬荆墩與
蒲團趨日每此坐問屋何所名頗似六一舸問制何所
師卑宮闈自夏問公何所為席間但塵筓有琴亦不彈
有帖亦不寫不樂亦不憂居常晏如也

次韻板屋二適

負暄

茅檐有冬日可愛乃易落為公獨遲遲憐渠能灼灼退
朝坐蒲團嗒然傲南郭時維春冬交正值陰陽搏屋頭

上陽烏籬邊鳴凍雀方知黃綿襖絕勝青綾幙暖入支
體舒嬾任傍人謔及晨卯酒酣正晝蜂衙作玄冥頓無
威陽春真有脚一室不願餘四大殊能著自諳此中趣
經書亦可閣持欲獻吾君未許專此樂

看雪

吾聞老農言一冬見三白來年定有年無煩問諸易寒
日翳翳明暮雪漼漼積時聞灑牕檯兼恐摧屋脊平鋪
瓦溝滿低壓牆簷側纖纖誰所裁逐逐若相逼庭空印

鶴趾裘弊欺狐腋況當板屋看稍若朱簾隔柳弱不勝
扶藤重那能擲旋掃入茶壚復取映書冊絨詩忽何來
凍手呵自拆唯嫌獨醒醒羊羔誰與適

尹冢宰壽詞二首

天壽還平格名園獨樂中朝廷須寇老啓事憶山公白
日懸名在浮雲過眼空定知青史上人物首山東

飽翫人間世蒼松晚不彫經綸閒國手華岳想風標洛
下耆英會齊東子午橋懷賢仍感德不盡野人謠

顧都憲竹間書屋

淮之水去悠悠君家正住淮水頭宅邊不種凡草木脩
竹森森如立玉年深春雨長兒孫遂使長淮比淇澳竹
間有屋小如舟積書之多如鄴侯手開三徑誰許到只
有二仲時從游我生好竹仍好書何年歸去山中居俯
看書仰看竹家無一錢心亦足

贈戴大賓

大賓閩人年十二
舉鄉試第二人

頭髮毵毵額半過十四尚少十二多鄉書已中異等科

曾中經史誰告詔下筆波濤翻浩浩老儒縮手稱難到
天之所假信已奇便與古人爭先馳慎勿蹉跎若我為
送劉都憲廷式巡撫寧夏

北來烽火達甘泉勃勃城高氣勢全且喜大夫重授閩
懸知子弟總雄邊漢家舊占河南地魏國猶屯許下田
但使折衝樽俎上奇功何必勒燕然

贈劉司馬時雍

紛紛末路競先馳安石東山起獨遲聲望在人真不偶

功名到手可終辭虛襟且願收羣策億力仍煩治亂絲
中國于今相司馬天驕得似去年時

送韓亞卿謁陵

短日寒無輝陰雲黯將雪夫君欲何之燕山路超忽至
日詔分官裡祀綴前列亦知非遠行始作三日別三日
豈云多我心如慘戚北風振高岡僕子膚欲裂狐帽紫
貂裘檐肩鳴軋軋薄暮始下車野寺投暫歇村肴與市
沽亦足慰疲茶歸途雪正晴峯巒互明滅瓊林玉樹枝

乃若為詩設山行亦誠勞高興滋逸發到家解行裝贈
我有長札

奉和屠侍郎元勳謁陵

鬱葱佳氣繞諸陵
玉室金堂見始曾
倦足行驚冰棧滑
瘦肩吟對晚山增
月斜殿角東西磬
星散林間遠近鐘
抱膝何人發長嘯
石門吾欲訪孫登

贈寫真賈誌

短髮今如許
煩君為寫真人言
能似我我對儼如賓
裴

令惟嫌陋僧繇信有神勲名在何處還仗畫麒麟

三忠祠

諸葛武侯岳
武穆文丞相

力挽中原志可吞悲哉星實渭濱屯鄆城詔下黃龍遠
燕獄詩成白日昏義氣懸知千古合綱常都仗數公存
如今混一歸真主尚慰孤臣地下魂

和劉司馬失子

公退朝房獨掩門寒鐙無燄月昏昏手書雖在難重讀
家事從前得細論客枕有懷眠少著老人無淚恨常吞

漆園傲吏能齊物妙語聞之洛誦孫

死生難得似東門淚眼逢春轉覺昏頓悟要從迷處得
浮生須著夢中論雪迎熾炭愁方卻月近頑雲勢易吞
羸博有封那復記庭前苦竹已生孫

壬戌九月

季秋甫強半霜降纔應律頑陰十日間陡覺寒瘳栗填
然忽驚雷百蟲破新蟄雷聲甫雨收雪勢陡然急霏微
曉方晴浙瀝暮仍密吾聞陰陽交寒暑不相入如何冬

夏令并在秋之日得非人事乖無乃化工忒巫咸去已
遠那辨凶與吉

秋日齋居值雨已而大雪呈韓亞卿二首

玄冥斂秋令窮陰黯如積廂房三日齋正值霖霖迫誰
將千萬愁化作日夜滴晨廚無炊煙晝枕多警席簷花
添霏微庭草恣狼藉亦知官曹尊咫尺千里隔仍聞窮
檐下無復四立壁人事豈偶然天意亦難識唯應佇高
談庶用破愁寂

愁霖何當晴怪雪忽已積狂飛九月晦無乃太急迫寧
當大庭賀終作虛簷滴不知堆為鹽但未大於席為祥
或為災衆口紛籍籍已聞半月前何論一日隔愁吟欲
附火塊坐惟面壁得無袁安僵除是張華識飽食亦已
多敢恨齋房寂

韓見和復次韻

官曹苦鮮悰簿領紛然積不有同心人窘然坐拘迫冷
泠朱絲弦寫韻秋泉滴早朝行連裾暮衙語對席新詩

每見投古淡似張籍推誠兩相予心肺無間隔君如千
丈松獨立萬仞壁而我獨何為一旦為舊識尚有少堪

疑揚雄太岑寂

韓時
鰥居

次韻玉汝五老會

三三兩兩坐成行忘却燕南是異鄉福德正臨吳分野
風流殊異晉高陽丹心舊許同憂國清話時聞一哄堂
儼若廬山山上見不才深媿接餘芳

送沈世隆

吳中沈度沈粲以工書永樂中官至學士孝宗特愛
度楷書於宮中嘗習焉問度亦有後乎物色得世隆
遂命授中書舍人

文思殿上奎章麗尚愛先朝舊草麻世俗總傳元祐脚
詔書親訪隱侯家魏公老去猶傳笏

先朝賜笏尚存

石慶歸來

少駐車起草明光人所羨鳳池三世一行斜

癸亥歲二月八日看牲

是歲看牲凡三

元戎小隊夜分曹漠漠輕寒上繡袍十里火城人散亂

一天風月鬢蕭騷
琳宮轉覺行來熟
繭栗如從看後高
中使留門更漏滴
我行雖數敢辭勞

遊功德寺

河畔南轅忽改西
人家兩兩傍山低
雲歸遠岫昏初斂
春入平原綠未齊
鐘動招提迎老衲
紙飛荒塚哭孤嫠
憑誰乞與龍亭水
化作東郊雨一犁

香山

百二河山勢自西
芙蓉朶朶插天齊
九重日上黃金闕

十里人行白玉堤，陋洗遼金元殆盡。氣凌韓趙魏，皆低
要當盡覽全燕勝。絕頂同君一一躋。

登毘盧閣

在京
城西

忙身抽得且閒遊，天上回瞻十二樓。百戰昔悲燕趙地，
萬年今作帝王州。天花散漫金光爛，野樹蒼茫水墨稠。
指點雲間吳會近，扁舟湖上幾時浮。

贈郭孟丘

其先曾遇異人留藥方於牡丹花
上，自宋時賜姓趙，至今家傳秘方。

牡丹花上數行書，乞與刀圭病便除。始信神僊方有異，

却嫌和緩術猶疎汾陽自合流芳遠天水仍聞賜姓餘
自粵到吳三百里瓊瑤難報欲何如

橘荒嘆

我行洞庭野萬木皆歲蕤就中柑與橘立死無子遺借
問何以然野老為予說前年與今年山中天大雪自冬
徂新春冰凍太湖徹洞庭苦無田種橘充田租霜餘樹
樹金寄此萬木奴悠悠彼蒼天三白望為瑞如何為橘
災斬伐如劔利釘鉅索賓筵貢筐缺王事曾聞后皇樹

不過淮之郊他處豈獨無洞庭號珍苞衢州徒茵蠹湘
潭亦寥梢地氣信有偏天災曷仍遭物畧固難成難成
復易槁遂令洞庭人為計恨不早從今原隰間只種桑
與棗

次韻秉之詠走馬燈

夜深銀燭晃屏帷鐵騎森森儼欲飛勇若昆陽當大敵
疾如垓下潰重圍達觀一笑真兒戲默運誰能識氣機
安得爾曹三百萬陰山擒取可汗歸

次韻秉之蓮花燈

炯然暗室有光輝
綠水荷華一尺圍
晴日破山晨欲上
落霞映渚暝將歸
舟浮太乙來蓬島
炬賜僊郎入瑣闈
憶向慶成筵上見
珠簾玉鎮世應稀

與秉之登郡城樓

城上高樓偶共過
吳王國裏舊山河
一春風雨行游少
千古興亡感慨多
遠近人家煙欲暝
東西樹影水微波
滄浪一曲人歸去
落日牛羊上淺坡

碧桃花

大夫嫩葉麗春輝
道是梅花却又非
香露乍勻紅玉臉
輕雲新染素羅衣
日斜盆底開何晚
風動枝頭落漸稀
再到劉郎應未識
紅塵紫陌思依依

和秉之得子

庭前騎竹便為羊
左右戔戔會奉璋
浩蕩春波先有兆
鬱葱佳氣豈無祥
八簫事業還追禹
五鳳文章早賦梁
我有佩刀先解贈
青雲他日看參翔

遊太湖

茫然不省是人間，却有人家住近灣。
一處便須終日坐，百年能得幾時閒。
將開復合雨餘雨，乍有乍無山外山。
安得扁舟如范蠡，徧尋七十二孱顏。

贈橫山人王清

與子同家湖上山，煙波浩渺東西間。
長江萬里每獨往，落日孤雲時共還。
澧蘭折得須我遺，湘竹種成誰與刪。
不須更作招隱賦，石上桂樹叢生斑。

洞庭新居成

歸來築室洞庭原十二峯巒正繞門五畝漸成投老計
三台誰信野人言郊原便自為鄰里水木猶知向本源
莫笑吾廬吾自愛簷間燕雀日喧喧

和秉之塘橋郊居自適之韻

山人本自愛山居南望家山咫尺如香玉滿場收晚稻
銀絲繞筋薦溪魚水東父老還為主城裏交親好寄書
適意且潛潛且起人生何必問其餘

蘭竹石

卷石兮崟崟幽蘭兮猗猗新篁兮叢生同心兮不違彼
三君子兮逝言相好歲寒相依兮永以終老嗟彼棘薪
亦生其間爾獨何為爾將曷依

對山

晨光破暝入簷間雀乳鳩鳴意自閒曉睡起來無一事
捲簾獨坐對青山

綠陰庭院鳥間間墮絮游絲意自閒午睡覺來無一事

捲簾獨坐對青山

蒼茫暝色遠林間
倦鳥歸雲意自閒
晚酌罷來無一事
捲簾獨坐對青山

倪同知加冠服致仕

行春露冕未須奇
章服還加去郡時
漢吏不求名赫赫
閩山猶怪去遲遲
十年佐政心如水
七縣生靈口是碑
我欲留君猶未得
江邊父老亦奚為

孝宗皇帝輓章

寬仁延二紀兵甲偃三垂問膳長秋數求衣昧爽遲懋
昭湯不邇端拱舜無為莫繪乾坤像誰為太史辭

宮車仍蹕路陵寢却因山天意悲風慘皇圖化日間聖
神三代上禮樂百年間北望飛龍遠髯弓慟莫攀


鳳雛行贈毛錫朋

鳳兮鳳兮何覩之艱一出於虞廷再鳴於岐山邇來三
四千年間寥寥兮不聞不見徒聞凡鳥聲間間梧桐兮
萋萋竹實兮離離遲爾之來兮覽德輝而下之一鳴兮

使我朝廷清法度貞三台明潤無攙槍再鳴兮使我四海平禮俗成百蠻朝貢無甲兵鳥中之鳳人中豪河東之薛隆中龐謝家池上名俱高毛翁之鳴當雲霄有雛丹穴文九苞龍文燕頷誰可曹毛生毛生真鳳毛一鳴兮再鳴兮吾將側耳聽爾於明盛之朝



震澤集卷四



總校官庶吉士臣張能照

校對官庶吉士臣陳崇本

謄錄監生臣王詔

欽定四庫全書薈要

集部

震澤集卷五

六

詳校官候補通政司經歷郭祚熾



欽定四庫全書薈要卷一萬六千八百二十一

集部

震澤集卷五

明 王鏊 撰

過故狀元施宗銘墳

後生何敢望餘芬
斗酒還過董相墳
行指岡巒低偃月

公奠偃

坐疑文彩上成雲
兩山已雪將軍恥

郡誌舊傳
東西洞庭

月岡

皆將軍始居之
故兩山無文士
四海猶傳制策文
賈誼天年人莫恨
孔

光張禹亦徒云

山行三首

天平

濯纓重向白雲泉
曲磴幽林詰屈穿
駁落殘碑猶可讀
坡陀巨石自堪眠
俯臨塵世三千界
仰見龍門尺五天
此地頻來殊有意
肯教憂樂負前賢

靈巖翫月

浮雲過盡碧天高
把酒層峯氣倍豪
明月一年當此夜

曠懷千古屬吾曹
瓊樓玉宇身親到
香徑琴臺首獨搔
天柱峯頭那似此
淋漓醉墨浣宮袍

靈巖懷古

夫差霸業今何在
香徑琴臺鹿自游
天際青山還故國
夜深明月有荒丘
濤聲不盡英雄恨
草色猶含粉黛羞
莫為吳宮多悵望
今來古往總悠悠

秉之作且適園有詩和之

萬頃煙波蒼玉峙
畫船搖曳夜仍宜
白公遊處吾今住

惜也坡翁不到斯

新築茆堂扁遠喧席門猶得枉高軒誰知君實匡時策
盡在東都五畝園

迴洲枉渚間沙汀正是東山一帶青鬱鬱松楸長在目
好於此地著幽亭

雨前山寺移新竹雨後新梢透屋長却憶燕南兩叢篠
便名醫俗可能當

越鳥巢林愛向南霜餘況有洞庭柑求田問舍君休笑

名利從來頗不貪

西舍東隣送橘栽小園五畝手新開昔人獨樂吾同樂
兄弟招要日往回

新柳踈篁繞我廬門前清浸映芙蓉人間萬慮俱消盡
不盡除非是讀書

麥壠瓜畦桑棗墟晚菘早韭翦春餘人言市遠無兼味
城裏時新恐不如

村鼓鼕鼕喚買魚梓滄雖有惜難儲何當也鑿方塘樣

金
卷五
取辦賓筵不願餘

曾聞范老堂前柏千載吳中澤尚存我種庭槐高百尺
三公當必付諸孫

修書館秋晚白蓮一朵忽開

埋盆若個便為池玉蘊亭亭有一枝不以格高知者少
幸因開晚謝還遲庭前曉日自相媚江上秋風空爾為
我欲舉杯同此賞天高露下月明時

吳文定公挽詞

四海文章伯三朝侍從臣世方遲至理天遽奪斯人沖
漠高難問煩冤臆少伸道從元末敝文向國初純東里
淵源近天全授受真正音驚鶩鶩恢網漏麒麟紫蹟名
逾起先登氣益振聲華當翰苑德義重儒紳格律唯沖
澹言詞自雅馴時流皆自抑古制或先秦書法顏公逼
詩篇杜老鄰綸音騰渙汗碑板照嶙峋講向東朝切規
從後殿諄從容天仄聽仁義日前陳內外同瞻嶽賢愚
但飲醇汪洋從撓濁堅白謝緇磷自不驚榮辱何緣睹

喜喚吳山從此重燕谷鎮常春往古無蘇子於今有伯
淳閒情多落寞要路每逡巡見說年頻引俄嗟歲在辰
九重恩絕等八座望殊倫尚未酬公議寧須秉國鈞公
身今可贖我分昔尤親先後官曹接卑高契誼勻上陵
行並馬待漏坐聯茵倡和辭盈帙招邀醉洽旬看花常
入夜翫月或侵晨送我清風埭期公震澤濱疏聞心獨
苦書至澤猶新豈謂終天別空含兩地辛玉亭盟已散
板屋跡俱塵盛德難為繪高風不可泯儒林誰作傳雕

刻隴頭珉

游虎丘二首

年來偪仄緣何事咫尺谿山到未能郭外清游還送客
林間軟語忽逢僧空庭石在頭寧點溪壑龍亡氣尚騰
不必懸厓留姓字古苔埋沒幾人曾

出城便愛小嵯峨濯足還來碧澗阿飛磴未躋先瘳瘵
斷碑欲認更摩挲溪山有待登臨久今古無窮感慨多
我比樂天官更適十年一到意如何

送唐子畏之九仙山祈夢

人生出處天難問，聞有靈山試扣之。
三月裹糧真不易，一生如夢復何疑。
天台鴈蕩歸時路，秋月春風別後思。
我亦有疑煩致問，蒼生帖息定何時。

歌風臺

鑿輿翠蓋始東巡，隆準依然泗上身。
父老已非豐沛舊，塵埃誰識帝王真。
八千子弟空歌楚，百二河山竟去秦。
莫道四方須猛士，商山閒殺采芝人。

海塘謠

為充道父賦父為温州嘗築塘捍海其民賴之

田於何所靳公之塘公今何在我田我耕昔公未來潮
嚙我堤浩浩洪流浸我稻畦公之來兮志何壯稽天之
浸身以障楫以木填以壤隱然長虹橫海上潮安流田
有秋溫人飽飯卧且收靳公靳公胡不留稽山摧潮水
歇靳公之名乃可滅

燕巢歎

為充道母夫人賦

燕燕兮于飛深深兮重闈朝捲簾兮放燕出暮捲簾兮

待燕歸朝朝暮暮兮燕無我違胡然兮一旦燕驚飛而
不下悵巢是而人非萬里兮烏衣去此兮疇依豈無連
雲畫棟兮誠不忍其故棲松楸鬱鬱兮京口之壠逝將
啣泥兮相孝子而營塚

五月七日陪祀泰陵

星樓月殿夜沉沉燭影爐煙儼若臨北極紫微尊自在
西清黃繖夢難尋蒼梧天遠孤臣淚玉帛星馳萬國心

是日天下王
府俱來祭

十九年中游幸絕仰思王度式如金

萬方爭覩勵精辰，便殿從容召對頻。
憑几似聞宣末命，屬車無復望清塵。
志存二帝三王上，恨掩青山碧澗漣。
天地有形誰畫得，空然二紀廁朝紳。

入閣次仲山見寄之韻

雲牕霧閣隱樓臺，夢裏依稀似到來。
異數極知蒙帝力，九軀深訝住天台。
承明召數晨先入，閭闔歸遲晚特開。
正是商家調燮地，鹽梅獨媿傅巖材。

恩賜玉帶麒麟服

寶月團團甫琢成老臣何德比瓊英
蟠驚夜室流虹影行眩天街積雪明
芍藥獻圍曾有兆蒹葭倚坐若為榮
皇恩錫處如山重肯換秦家十五城

錦袍錯落繡輪困天上恩先借近臣
一角獲憐西時陋九章製愛尚方新
文明有象昭皇化報稱無能媿病身
拜賜歸來人盡羨好將勲業畫麒麟

十一月廿七日被詔有事景陵歸途作

嚴程西指日邊霞平野蒼茫集晚鷗
湖色破寒猶慘澹

山容得雪若矜誇誰當游衍還承詔可惜風光不近家
坐吸玉泉懷六一漫將名品許浮槎

玉泉亭

燕山自西來連峰劃中絕有泉出其間終古流不歇石
縫漱潺湲螭頭瀉幽咽羅注粲成簾激射噴為雪怒聲
亦砰鉤靜性終昭晰肺腸藉洗滌毛髮歸瑩澈珠體碎
復圓玉流方以折緬懷六龍來坐覺萬象別天光借澄
明日影增蕩滴幡幢亂山椒貌貅遍林樾誰知百年後

尚睹孤亭艷悠悠彼漁竿盈盈者仙襪不忍向唾洩胡
能斯厲揭虎跑真浪傳趵突差可啜醉破劉伶醒病失
相如渴衛公邁莫通陸子評久缺何當携一罌歸洗人
間熱

己巳正月十三日夜分獻星辰二壇作

鐘聲忽斷燎煙升玉履西來甲士層薦地靈風生綵旆
滿天涼月浸華燈夜闌仙樂聞三奏老去崇階試再登
願得繁禧均海宇老臣何以助靈承

十四日慶成宴上作

列席分依黼座前坐中幾度聽傳宣
花枝半妥杯巡洽雉羽低迴舞隊旋
總為台司當近地每疑廣樂奏鈞天
好風晴日新正後盛事誰書己巳年

次謝少傅韻

七里灘頭把釣綸匡時誰是舊元臣
廟廊正爾懷多故世事那堪又一新
國手就閒仍此際拙工當局更何人
片帆出沒煙波裏回羨仙舟早渡津

春波書屋為屠司寇賦

平湖渺渺春波綠榆柳低垂洲渚曲洲旁茅屋是誰家
言是屠家舊書屋屠公致身廊廟裏猶有讀書心未已
牙籤縹軸置兩頭充棟多還比鄴侯湖水平春日晴船
頭置書篷底讀一和滄浪曲

題畫牛

牛背蒲鞵穩若舟吾伊聲裏觸前騶當時項羽成何事

能使郎君讀未休

李密

背卧斜陽亂短芻箭鋒猶帶血模糊家人不用驚相報
且讀牀頭一卷書

牛弘

問喘軒車駐道周不因羣鬪少遲留若言變理成虛語
試問齊王觥觫牛

丙吉

軛牛解去旋來歸慙負當軒罪莫違楚國有弓誰得失
驪黃寧辨是耶非

劉寬

題五同會詩後

閒情未逐雲歸岫佳會初逢日在奎但許兼謨居席末

還如無已在江西鄉邦自昔誰同會人事從來苦不齊
南北故交風雨散我來詩句若為題

宣廟畫猫歌

禁柳疎疎還密密狸奴穩卧堦前日日長睡起鳴一聲
掉尾欲行還不行先皇為愛馴且異呼之即來麾即逝
偶然點綴為寫生毡毳毛衣獅子形絳羅垂垂鈴索索
目光耿耿透簾箔縱然未解起捕鼠鼠輩見之應瞻落
己巳五月東歸三首

莫把功名更問天一朝闕下賦歸田迂疎自缺匡時策
衰病多蒙主上憐便製荷衣隨野叟永將雲路讓時賢
太湖波浪如天濶不礙鷓鴣夷一釣船

家住東山歸去來十年波浪與塵埃頭顱今日已如許
勲業古人安在哉滄海巨帆晴望濟長途疲馬早思回
閒非閒是俱拋却濯足滄浪坐釣臺

浮世紛紛總未真古今誰者是閒人黃扉紫閣辭三事
白石清泉作四鄰得失往時俱屬夢是非從此不關身

致君堯舜準夔在且許巢由作外臣

贈巡河王郎中

秦

五月青齊燠若焦全憑風力送歸橈十年省署官曹舊
千里河山節制遙顧我病宜還綠野似君才合佐清朝
九重旦夕如徵召乞取商霖灑四郊

時山東旱甚

得雨贈王郎中

天末炎雲涌怒濤夜牕欹枕聽蕭騷
兩岸聞邪許潤洽平原卧桔槔
酷烈頤祛苛吏勢推移真費長年勞

陽春有脚隨車到餘惠深慙過客叨

至徐州口占四絕

日日把舟茫蒼間荒郊四顧但榛菅朝來雨歇蓬牕外
正見徐州一帶山

人說茲行恰似游棹歌聲裏下徐州朝來獨坐蓬牕底
兩岸青山送去舟

五月舟行齊魯間黃塵能富水能慳朝行汴泗交流處
巨浸家家過屋山

放歌曾是昔年游
濯足看山坐浪頭
今日重來人不見
滿天風雨過徐州

偶成

懶雲無意復為霖
早向中天結冥陰
去晝尚餘三宿戀
濟時真負百年心
孫登不作蘇門嘯
諸葛聊為梁甫吟
若問先生何處住
湖光渺渺樹深深

次韻秉之

三十休誇陸氏莊
菜園滋味晚尤長
致君素許孤忠赤

涉世空餘兩鬢蒼
懶性尚於登覽健
晏眠無復趁朝忙
焚香日日觀心坐
便是人間不老方

晚渡白洋灣

扁舟深夜尚孤征
兀坐篷牕看月明
兩岸秋蟲互相應
不知端復為誰鳴

宿堯峯寺

堯峰自在諸天上
半醉來登不用扶
思入湖天同浩蕩
望窮雲樹轉模糊
五更客夢侵雲冷
一片禪心對月孤

自是世緣猶未了幾時同此結跏趺

行次相城有感

幾年約茲游為訪石田叟石田今已亡不使此言負相
知三四人拏舟過湖口行行抵相城自卯將及酉四顧
何茫然天水合為數茆屋幾人家荒蒲與衰柳本來魚
鼈宮自合鷗鷺有始田者為誰餒也非自取有司事征
求亡者逾八九念此為徬徨獨立延佇久作詩當風謠
以告民父母

宿華嚴寺

歸來每向招提宿，心若閒雲著處安。
已到家山無去住，偶聞塵世有悲歡。
烟霞自可通禪觀，草木還應識宰官。
少小來游今白髮，幾迴欲去更槃桓。

贈勤上人

兜率宮中一老禪，霜眉過眼耳垂肩。
手開生地為精舍，口誦華嚴作涌泉。
峭壁危峰同戒行，長松古檜是因緣。
雖然看盡人間世，還住人間一百年。

次韻蔡九遠投贈

野色巖霏上翠裾，皇恩猶賁及郊墟。
舊嫌樊子學為圃，近識莊生樂在魚。
稍向林間營別墅，每從竹外度輕車。
日長庭院閒無事，抄得東家種樹書。

再游林屋洞

蓬山有路那能到，林屋無扃可數來。
寶笈石函難復見，金庭玉柱為誰開。
祇愁黯黯渾無地，又恐砰鈞忽有雷。
不是隔凡凡自隔，重門欲叩更徘徊。

宿法華寺

法華我曾來懸厓縱飛步長松高攬天修竹亂無數北
岡瞰空闊風帆在其下陰橫紹千山歷歷皆可覩蓬萊
亦咫尺神仙在何處安得乘長風飄然從此渡

坐法華寺後石上望橫山人家歷歷可數寄王元
德

午烟孤起碧山崖屋瓦參差影日斜只隔盈盈衣帶水
不知何處是君家

訪元德

樓臺疊疊路重重家住橫山第幾峯
半壑夕陽垂橘柚五湖烟水浸芙蓉
神仙未覺三山遠榮貴甘辭萬戶封
返棹匆匆重回首白雲天際杳難從

寄隱者

隱君家居何所有繞屋二百青琅玕
香烟一炷坐清曉讀罷黃庭祇內觀

越來溪懷古

吳國江山亦壯哉一朝誰信粵兵來
旌旗尚動春波影歌舞翻成子夜哀
往事悠悠餘敗壘傷心脉脉一登臺
姑蘇麋鹿何須恨聞道阿房也劫灰

宿盧氏芝秀堂留別師邵師陳二首

越來溪上思悠悠斜日門前一繫舟
水若有情隨我去山雖無語為君留
梅花紅褪牆頭雪麥葉青回壠上秋
一曲滄浪人去遠平湖萬頃接天流

清溪一曲浸山根溪上人家兩兩分
久要正逢徐孺子

同聲兼枉沈休文

時徐都憲沈方伯在坐

興非剡上嗟空返談比

廬山得未聞醉卧不知乘夜發畫船搖破一川雲

過黃野沈氏阻風望洞庭甚近而不能至

茆堂宛在碧山腰山下行人不受招梁作虹蜺應可渡
水如衣帶却成遙清風入夜生蘋末細雨扶春上柳條
不是休文能醉我平生磊塊仗誰澆

酒熟志喜

常年送酒媿諸隣斗覺今年富十分水法特教擔柳毅

特汲柳麩材先已謝桐君麩不用藥床頭夜滴晴堦雨甕面

香浮暖閣雲莫笑陶公巾自漉年來正策醉鄉勲

荆溪雜興

惠山至永定

解纜惠山下問道荆溪程荆溪百里遙蘭漿蕩空明
湖好青山宛轉送我行惠山甫見辭陽山復來迎東西
夾畫船依依亦多情忽然互迴合隱若百雉城西南豁
中斷太湖渺然平范蠡辭越相此口云所經懷賢不可

見臨流濯長纓

畫船簫鼓蕩春晴一路青山送我行分付舟人行莫急
看山猶自未分明

沈亞卿時暘約游張公洞途中風雨大作舟人
云不如先往善權為便口占一詩寄亞卿

孤村徹夜雨浪浪思入荆溪轉渺茫湖汊無緣仍返棹
善權有路且鳴榔特因赴約翻成爽豈謂尋閒竟得忙
寄語休文莫相訝好風晴日會須償

罨畫溪

兩岸青山隨畫船
清溪十里中
洄沿侍郎橋畔柳
窳地任昉臺邊花滿川
南國勝境有如此
東坡卜居豈徒然
誰云罨畫畫不得
恐有仙源莫浪傳

張公洞

萬山環合中獨虛
世傳內有神明墟
側身俯視驚怪吁
老眼不辨雲模糊
巉巖漸下勢漸舒
石壇坡陀席可鋪
恍如身入佛老廬
四壁洶涌青紅殊
天吳紫鳳坼海圖

龜鼉賜賤虎豹狙杻愚梁柱相拄扶靈官定業高冠裾
神媪相將行步徐七寶炫耀穹浮屠石床橫陳丹竈孤
玄門有路忽若無蘇磴登降我僕痛通明有穴尋歸途
不知造化開闢初誰此鐫刻誰剜剜頗聞孫氏紀赤烏
霹靂下劈山之隅人間始得窺仙都又聞有路通太湖
金庭玉柱嚴禹書自慙骨凡氣濯痛欲往不得將何如
欲往不得將何如

善權洞

湖沒有洞名張公天造偉麗非人功善權氣勢更若雄
犇流下瞰如驚虹洞門有地平且豐孤石湧起何龍葱
高厓絕壁青復紅恍如身入天帝宮幡幢寶蓋陳西東
虺隤巨象披蒙茸狡狴張吻吞豹熊亭亭玉柱立當中
銀山對峙如屏風鹽堆突兀米廩崇眈眈畎畝水所鍾
石梁交貫空復空人言此去路莫窮東至扶桑西崆峒
我疑二洞俱仙蹤地下有路應潛通前堂後宇相始終
不然氣象胡乃同靈山福地神所封嗟我欲往將焉從

嗟我欲往將焉從

善權寺

茲山信有神靈護棟宇傳聞自太和雷篆天書猶可辨
星壇月館遞相過顛崖檜偃蒼龍蛭壞藏經翻白馬馱
應笑重來王相國不將玉帶繫山阿

和錢元抑投贈

虞人雅自重齊旌小奏由來止一成蕙帳久孤黃鶴怨
蓼灘先赴白鷗盟春山乞竹眠思蔭曉井擔泉吸愛清

舊日著書今亦懶且從靜處看浮生

貞甫大叅立二石於庭邀予賦之

垂雲

有峰巍然岵嶰連蜷蒼翠著人靄如縣雲始孰為之殆
二氣之緜緜緜來兮知幾年至今瑞氣仍油然霧非
霧烟非烟莫教一日忽飛去散在人間作霖雨

漏雪

有巍一峰岵嶰嵌空晶光眩日瑩若立雪始孰為之殆

元氣之融結融結來兮知幾時至今雪色猶襦襪燥不
化涅不緇莫教一日俄騰騫散在人間作有年

謝人送楊梅

高林乍摘楊家果風葉儵儵玉露寒染指忽驚猩血紫
釘筵爭愛鶴頭丹誰將物產修為譜多謝山翁餽滿槃
却憶退朝門下賜美芹思獻自知難

苦雨二首

庚午
歲

南方春夏交正是插秧候望望惜雨乾事乃胡大繆霖

靈已彌旬雨意猶未透山頭爭出雲不斷如饋餽滑滑
深路泥幢幢瀉檐溜只愁地將浮又恐天果漏乖氣亂
暄寒重陰錯昏晝竈硯產鮒魚庭樹號饑鼯梁柱亦何
為尚可充燎爇嗟嗟彼蒼生其命固難救洪範學不傳
將誰執其咎

吾聞老子言驟雨不終日天道信有常如何亦難必方
春常苦雨入夏勢轉疾滂沱每徹晨滴瀝又連夕幸爾
暫開明俄然復犇軼田疇浩湯湯浸與太湖一吁嗟生

民居化作鼃鼃窟旦夕不自謀卒歲豈遑恤歲行況在

午史記歲在午當早月宿乃離畢挽日當誰能補天恨無術安

得萬里風吹使雨脚絕青天淨無雲紅輪皎然出

病中五適

蒲墩

織蒲織溫柔朝夕置左右坐以支吾願眠以閣吾肘墩

今乃屬予臨川爾何有

竹夫人

湘筠翦瓏璵橫陳在君牀雖然缺嫵媚亦可藉清涼病
餘偶此適非敢效專房

曲几

久眠即不能久坐仍未得半眠半坐間唯爾我為適寄
語柳儀曹何傷此為直

絺幘

朝蠅不勝祛莫蚊不勝拍仗爾為驅除安然睡通夕寄
謝石季倫錦步復何益

布被

青綾非所便蘆花亦已寒
木棉足輕柔病寢夢自安
幸非公孫氏客至當何言

王應爵侍御過訪將發阻風復留

落霞湖上晚山稠
迂叟經年守一丘
驄馬忽傳今雨至
蘭橈多謝好風留
病從此日如輕健
詩續前題更唱酬
早晚豸冠霄漢立
林間誰與共清游

過子畏別業

十月心齋戒未開
偷閒先訪戴逵來
清溪詰曲頻迴棹
矮屋虛明淺送梧
生計城東三畝菜
吟懷墻角一株梅
棟梁榱桷俱收盡
此地何緣有佚材

王唯顥款鶴軒

小築園亭淺布沙
十年為爾養丹砂
飛鳴飲啄皆隨意
莫羨乘軒富貴家

鶴鶴來前聽我言
知君六翮快騰翻
雲霄縱得天風便
惠養能忘舊主恩

次韻賀憲副澤民會老詩

洛社耆英赴夙期，乞身俱及聖明時。
經霜松柏姿彌勁，爭道驂騑力已疲。
幸許兼謨為後輩，不妨蓋叟是吾師。
年年共約林間醉，世上升沉總不知。

盛汝弼得孫

在洞庭東山聞報

老蚌生珠亦未遲，庭槐又報長孫枝。
平生陰德人傳滿，少小啼聲我識奇。
文肅尚應留祭戟，箕裘況復自軒岐。
他年元歎成名日，還報東山老傅知。

春日山行三首

風軟波平一鑑開，湖山重疊見樓臺。
萬株晴雪懸厓裏，只為梅花也合來。

勝事春來日日忙，梅花纔褪杏花香。
莫愁此後芳菲少，又報東風到海棠。

竹杖芒屨觸處經，煖風遲日近清明。
天公似識游人意，特借春來幾日晴。

謝賀憲副澤民示攝生書

一編授我未為遲
火候抽添信有時
爐內若能留戊己
市中端可遇安期
本來面目吾忘我
過去光陰彼是誰
歌罷青天雲萬里
還丹應有月明知

過范氏近竹園

昔聞臨頓里
近在古城東南
里先生宅龍圖
老子宮幽亭
花外遠曲徑
柳邊通五月
無煩暑琅玕
滿院風

送李給事貫使占城

海外誰云更九州
明時還比古諸侯
麒麟賜錦王人出

孔翠包茅職貢脩鼉鼓八更驚永夜鯨波萬頃變安流
舉頭南斗分明近奇絕平生是此游

故吳叅政惠使占
城詩云夜聞銅鼓

八更
天

恭題宣廟畫馬

天馬西來自月氏先皇親寫乘黃姿百年遺墨人間見
玉陛東頭立仗時

鼠須筆

顧兔猩猩兩禿翁時來鼠輩亦成功臨池脫穎偏宜我

憑社為妖且貫戎覓伴好依居默氏

石虛中字居默

冊勲應作

管城公太倉縱是無憂地爭似流芳汗簡中

送尤宗陽進士之京

南宮昔日謬持衡叶筆勢曾驚古戰場今日林間還送

別九霄一鷲看高翔

吳中世德紀延之喜見春風入穀時莫怪崔公多自詫
美莊三百在於斯

贈石湖盧隱君伯常

吳山青越溪碧吳越興亡兩安適千年事往那復知溪
上人家自如織人家兩岼青粉墻其間特起是為盧家
芝秀之高堂昔年芝秀產溪上顧非盧家此瑞誰能當
盧家有翁不求仕年可六十鬚眉蒼朝繙經暮翻史不
使聲華出閭里生兒唯願充耘耔自比唐家玉川子人
言筆港如筆長二兒自小工文章大兒文采珊瑚耀泥
金帖子前宵到小兒筆勢仍翩翩他日科名美豈專從
此溪山兩增重乃翁無事日讀逍遙篇溪可湘山可採

千古溪山鎮長在願翁之壽如溪山長不改

飲橫山吳氏醒酣亭

孤雲落日魚龍界橫山又在孤雲外一朝坐我橫山中
回頭翻覺人寰隘就中最愛吳家亭浪花堆裏一點青
千山在南紹山北亭山正直中間停天風飄飄吹我袂
自覺蓬瀛不難至安得劉伶李白共此舉瑤觴百川吸
盡無由醉

自橫山歸洞庭

漠漠輕風不滿帆
小船載酒舳艫銜
陶朱事業今安在
皮陸才情兩不凡
白鳥斜飛驚鼓吹
青山倒影動松杉
却憐范老江湖上
猶自憂譏與畏讒

贈寫真

玉帶束麟袍
簪笏光射映
我服豈不華
我德自難稱
委蛇廊廟姿
蕭散泉石性
爾筆信有神
顏此韻獨勝
種髮歲華催
泰宇天光定
應如巖壑間
蒼松老彌勁

偶成

南國新寒九月時青綾半臂向晨披月明桂子香初噴
露重芭蕉葉未知拄杖隨行聊當僕殘編重展恍逢師
清時自昔多遺士坐背斜陽理髻絲

洞庭新建廳事柱下獲一甕中有錢曰太平喜而
口占

一錢清白承先哲八柱高明應宰司天賜不多良自賀
國家重建太平基

重到宜興

三日蘭舟只任風
洸湖過盡潏湖逢
谿山處處還依舊
却是人心自不同

宿毗陵驛

扁舟夜宿毗陵驛
城上烏棲霜月白
客懷轉展自無眠
何處人家復吹笛

震澤集卷五